

Число 10—12.

Ужгород, 1. юнія 1924.

Рочник IV.

ВІДОВЕСТИК

Да бсі
єдино
б'єдсть

Iw. 31, ka.



ДУХОВНА ГАЗЕТА ДЛЯ ПОДКРУСИНОВ

Заложуйте свои вкладки до Централъ або філіялок.

ПОДКАРПАТСКОГО БАНКА.

СТАН ВКЛАДОК ПОВЫСШЕ: КЧ. 10.000,000.

В всяких фінансових и господарских дѣлах доставить Вам скору, точну и бесплатну пораду :-:

ПОДКАРПАТСКІЙ БАНК В УЖГОРОДЪ.

Своими заощаднеными гелерами при доброму опроцентованю капитала подпираите свой народный

ПОДКАРПАТСКІЙ БАНК В УЖГОРОДЪ.

Истинно народна, руська и славянска інституція есть

ПОДКАРПАТСКІЙ БАНК В УЖГОРОДЪ.

Свой до свого!

Пересылки долларов до Америки з дозволом
Банковного Уряду выконує :-:-:-

ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки выконує найвыгоднѣйше :-:

ПОДКАРПАТСКІЙ БАНК В УЖГОРОДЪ.

Замѣну старых ческословенских банкнот (Кч. 5000,
500, 5.—) переводить :-:-:-

ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.

Америцькѣ десеквестраціи, исекураціи и компензациі за померших в Америцѣ переводить :-:

ПОДКАРПАТСКІЙ БАНК В УЖГОРОДЪ.

За вкладки (льокації) платить

ПОДКАРПАТСКІЙ БАНК

:-:-: 5%—6%. :-:-

Путешественна канцеларія продажа желѣзнодорожных карточок на щѣлу територію
Республики и до всѣх сторонах свѣта має

ПОДКАРПАТСКІЙ БАНК В УЖГОРОДЪ

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходит двараз в мѣсяцъ
каждого 1-го и 15-го.

А Д Р Е С :
Редакції: Kapitulska ulica 10.
Адміністрації:
Užhorod, Duchnovičova č. 12.

ПРЕДПЛАТА :
на рок 12.— К
одно число 1.— К
За границю 20 — К
До Америки..... 1 Д.

ОБЯВЛЕНИЯ
принимаются по цѣнѣ
за 1 сторону .. 200 К
за 1/2 стороны .. 120 К
за 1/4 стороны.. 65 К

Мусиме выдержати!

Тяжкѣ часы переживаеме! Передъ кождымъ ясно, что силы пекельнѣ двигнулися на нась цѣлою силою; взяли въ службу свою брехню, клевету, политику, грошѣ, смѣлость — чтобы знишили Христову Церковь на Подкарпатской Руси. Мають союзниковъ богатыхъ, впливовыхъ, мають организацію строгу, мають бесѣдниковъ знающихъ облестными словами захватити просту душу богобойныхъ русиновъ. Появилися у нась въ всякихъ формахъ; оденъ говорить за „святу православію“, другій хвалить „истину“ суботницку вѣру, третій небесный рай обѣцяе на земли, четвертый самого Бога изъ неба стягае... всѣ-всѣ одно хотятъ: вырвати истину Христову вѣру изъ сердецъ нашихъ и заскѣпiti тамъ сресь и безвѣріе...

А мы стоиме сердъ сеѣ бурѣ майже безъ помочи. Не маеме ни грошей для организаціи, не можемеся хвалити ласкою урядовъ и урядниковъ, дармо отзываesmeя на законы (файна демокрація! — Наб.), дармо указуеме на низкѣ клеветы и брехнѣ противниковъ, дармо зносиме всякѣ пониженія — пекло еще все горѣ держить голову свою и смѣяся надъ нашимъ печальнымъ пораженiemъ...

Однакожъ мимо сихъ смутиныхъ обставинъ *мусиме выдержати!* Мусиме указати цѣлой Европѣ, что туй на Подкарпато жие народъ християнскій, который готовъ боротися за свою християнску вѣру, который волѣе еще разъ пережити Нероновѣ часы, который еще все найдорожшимъ скаромъ держить свою отцевску греко-каєолицку вѣру. *Мусиме выдержати* и указати цѣлому свѣтови — очи котрого на нась смотрять — что и мы належиме до тої скалы Петрової, котру „*крата адова не одолѣютъ*“. (Мѳ. 16, 16.)

Мусиме выдержати ужс и зато, бо не с такоѣ бурѣ, котроѣ конца не е. Наши вороги не суть вѣчнѣ; знаeme мы ихъ изъ исторіи церкви, коли они аріянами, монофизитами, гуситами, лутеранами и т. д. называлися; и где ихъ колись така

могуча и страшна сила? Изчезли або тихо сидять, радуючися что жиуть.

Утихнуть и наши крикуны, утратить силу и ихъ брехнѣ и клеветы, будуть и они тихъ и безсильнѣ, розпадутесь и они якъ ихъ давнѣ товариши, котрѣ позиціи свои будовали были не на правдѣ, но на брехни и ненависти.

Зато *мусиме выдержати* и дочекати зорѣ нашоѣ побѣды. Най лютитися теперъ лож, най смѣєся теперъ злоба, най триумфує теперъ клевета. Боятися их не треба! Трость похиляєся под сильным вѣтромъ, но дубъ стоить непоколебимо. Но бурѣ трость на земли лине, а дубъ цвѣте и зеленїе дале...

Зато русины, греко-каѳолики *мусиме выдержати!!!*

(б)



Наука о вѣрѣ.

§ 9. Першѣ люди въ раю и ихъ грѣхопаденіе. Первородный грѣхъ.

1. Праородителѣ наши были обдарованѣ не только природными прикметами, но для осягненія ихъ совершенного блаженства и деякими надприродными дарами. Меже сими первое было: благодать освящающа, чеरѣзъ что чоловѣкъ ставъ сыномъ Божімъ и наслѣдникомъ царства небесного.

* Душа въ состоянію благодати освящающей есть чиста, сохранина отъ смертельного грѣха, мила передъ Богомъ и достойна ступити въ царство небесное. Чоловѣкъ безъ сей благодати не може быти спасеный.

2. Окремъ Божій благодати освящающей праородителѣ наши обдарованѣ были и иншими надзвичайными совершенствами. Ихъ разумъ бывъ знаряженый высшимъ, совершенѣйшимъ познаніемъ и мудростю. „Художествомъ разума исполнѧ, и добромъ и зломъ показа имъ“ (Сір. 17, 6).

Іхъ воля цѣлковито подвержена была розуму, тѣло же ихъ было бессмертное и свободное отъ всякихъ болѣзней и трудностей; жили въ „рай сладости“, где природа благосклонна была противъ нихъ и земля само отъ себе родила имъ все до житя потребное.

Ожть де лежавъ той рай, точно опредѣлити не можно; правдоподобно на повночной сторонѣ Мезопотаміи. И наука туй глядає праотечество чоловѣчества. Въ преданію всѣхъ народовъ находиться оповѣданіе о счастливомъ состоянію першихъ людей.

3. Всѣ сесѣ надприроднѣ и надзвычайнѣ дары прародителѣ наши повиннѣ были заслужити. Богъ давъ имъ оденъ приказъ: „Отъ всякаго дерева єже въ раи, сиѣдію сиѣси: Отъ дерева же єже размѣти доброе и лукавое, не сиѣсте Отъ него, въ Оньже аще денъ сиѣсте Отъ него, смертю оумрете“. Но наши прародителѣ сесю пробу не выдержали, бо изводжены діяволомъ, переступили заповѣдь Божу и ъли изъ заказанного дерева.

Грѣхъ прародителей бывъ тяжкій, бо изъ одной части приказъ Божій бывъ дуже легкій и надъ ними еще не пановала жадна грѣшна пристрасть; изъ другой же стороны прародителѣ добре знали, яка тяжка кара чекає ихъ за непослушенство. „Въ Онь же аще денъ сиѣсте Отъ него, смертю оумрете“.

Въ наслѣдокъ грѣхопаденія прародителѣ нашѣ утратили насампередъ благодать освящающую, черезъ что не могли зайти въ царство небесное и стали изъ сыновъ Божіихъ „чадами гнѣва“ (Еф. 2, 3). Изъ природныхъ даровъ розумъ ихъ затемнившися, а воля стала склонною до грѣха; утратили бессмертіе тѣла и нападали на нихъ всякѣ хвороты и болѣзни. „Ікоже єдинымъ чоловѣкомъ грѣхъ въ мірѣ видѣ и грѣхомъ смерть“ (Рим. 5, 12). Богъ выгнавъ ихъ изъ рая, а они принужденѣ были тяжкою працею заробляти кожедневный хлѣбъ, якъ то сказавъ Господь: „Въ потѣ лица твоего сиѣси хлѣбъ твой“. (Б. 3, 19).

4. Адамъ и Ева были представителями всего чоловѣчества; имъ даннѣ надприроднѣ дары были даннѣ и всѣмъ людямъ, ихъ потомкамъ. Но понеже они сесѣ дары черезъ грѣхъ утратили, утратили ихъ не только для себѣ, но и для всѣхъ людей. Отъ Адама и Евы всѣ люди народяться на сей свѣтъ безъ благодати освящающей, съ усабленнымъ розумомъ и волею и всякими тѣлесными слабостями, болѣзнями. Наслѣдкомъ сего грѣха пришла и смерть на свѣтъ. „Ікоже єдинымъ чоловѣкомъ грѣхъ въ мірѣ видѣ и грѣхомъ смерть“. (Рим. 5, 12). Сей грѣхъ, понеже всѣ люди въ семъ грѣсѣ родяться на свѣтъ, называється первороднимъ грѣхомъ.

Ци не противитъся справедливости Божої то, что Богъ про грѣхъ двохъ людей карає весь родъ людскій? Нѣть! Бо Богъ сим лиши такое взявъ отъ насть, что не бывъ обязанъ намъ даровати. Якъ на пр. оденъ царь - обдарує свого вѣрного чоловѣка съ великими отличіями, что наслѣдуютъ и его потомки, а потомъ про даюку провину той чоловѣкъ утратить ласку царя и царь отбере отъ

него всѣ отличія, тымъ и его потомки утратили, хотя не провинили противъ царя.

Изъ другой части первородный грѣхъ не есть учинковымъ грѣхомъ, зато Богъ тыхъ младенцовъ, котрѣ умерли безъ крещенія не карає вѣчною погибелю. Они находяться въ царствія небесного — симъ Богъ не довженъ имъ — и тамъ тѣшаться якимъ природнымъ блаженствомъ.


Догматъ первородного грѣха выразно учить св. Писаніе. Св. Павель пише къ Римлянамъ (5, 12). „Единымъ чоловѣкомъ (Адамъ) грѣхъ въ мірѣ вниде.. въ немже кси согрѣшили... такоже единаго прегрѣшеніемъ въ ксм чоловѣки вниде Освіженіе, такожде и единаго (Христосъ) Опрацданіемъ въ всм чоловѣки вниде Опрацданіе жизни“ (Рим. 12, 18). На основѣ св. Писанія св. Мати Церков торжественно отвергла противное твержденіе еретика Пелагіяна. На первородный грѣхъ указывают и слова нашего вѣроисповѣданія: „Вѣрую... едино крещеніе въ оставленіе грѣховъ“.

Изъ подъ первородного грѣха еще при зачатію вынята была Пречиста Дѣва Мати и по загальному мнѣнію св. Іоанъ Креститель передъ своимъ рождествомъ, коти Марія нащивила Елисавету.

5. Но Богъ не хотѣвъ, чтобы чоловѣкъ на вѣки позоставъ „чадомъ гнѣва“ и бывъ выключень изъ царства небесного. Изъ своей безконечной доброты еще прародителямъ нашимъ пообѣцявъ, что зажене откупителя, одного потомка жоны, кто розобийс голову діавола. „И враждъ положъ междъ тебю и междъ женею и междъ стїменемъ ткоимъ и междъ стїменемъ тво. Той ткою блести вѣдетъ главъ и ты блести вѣдени его патъ“ (Быт. 3, 15). Сесѣ слова, котрѣ содержать въ собѣ першу потѣшаочу вѣсть про Спасителя Іисуса Христа, называются „протоевангеліемъ“.

Отъ первородного грѣха освобождається чоловѣкъ изъ заслугъ Христовыхъ, черезъ св. крещеніе, въ чомъ получить утрачену благодать освящаочу, доки другъ наслѣдства первородного грѣха въ цѣлости остануться.





Что в одном Бозѣ находяться три особы именно Бог Отец, Бог Сын и Бог Дух святый, то есть основою и фундаментом нашоѣ христіянскоѣ вѣры. Сie ученіе выразно находится в св. Письмѣ и дуже дивно, что о. Hazy, шизматицкій батюшка себе еще христіянином, навѣть „священиком“ называе, коли 100 долларов обѣцяе тому, кто сie ученіе найде в св. книгах.

1. В св. Писанії Христос каже своим апостолам: „Шедше оубо научите всѧ языки, крестяще ихъ къ именю Отца и Сына и св. Духа“ (Ме. 28, 19). Также кто не вѣруе в св. Тройцу, той и не може быти христіянином! А коли Іисуса Христа крестив св. Іоан, всѣ три особы появилися и видимым способом доказали, что в одном Бозѣ три особы суть. Бога^ю Отца из неба было чути, Сын в Іорданѣ стояв, а Дух Святый межи двома в видѣ голуба уносився в воздухъ. А по свѣдченю св. *Преданія* уже в апостолских часах зложено было исповѣданіе вѣры, состоячое из трох головных частей: „Кървю .. къ единаго Бога Отца... и въ единаго Господа Іисуса Христа, Сына Божаго... и въ Духа Свялтаго!...“

2. Но як то треба розумѣти, что в одном Бозѣ три особы суть? Тому св. отцы такое поясненіе дали: Чоловѣк може свою думку передати другим двом особам, так, что tota думка (мысль) zostане цѣлою и нероздѣльною. И таким способом маєме одну думку и три особы. Но Бог не только свою мысль може так передати но и свое естество, свою натуру. Божое естество передано (сообщено) двом особам, Сыну и Духу св. но оно зостало цѣлым и нераздѣльным, так як и мысль сообщенна межи трьома особами зостала одною. Як одна мысль може быти цѣлою меже трьома особами, правѣ так и Божое естество есть одно меже трьома особами Божими.

Мы не кажеме то, что три разы еден то еден, або три особы — то одна особа; наша вѣра такѣ глупости николи не учila; наша вѣра на основѣ св. Писанія и Преданія то учить,

что естество *Боже правѣ так може зостати одnym в трьох осоbah*, як коли одна мысль зостане цѣлою и тогда, коли еѣ троє знаютъ.

Або берѣм другій примѣр! Данные суть три порожнѣе комнаты; я стою в середной и голосно загойкаю. Сей оден мой голос наповняе всѣ три комнаты и однакож не буде роздѣленый, но зостане цѣлым. Оден голос и три комнаты. Не три голосы, только оден. Не три Божѣ натуры, только одна.

Або ци не чули'сте вы уже в народных школах (если ходили'сте ?!), что суть и в природѣ такѣ нероздѣлимѣ рѣчи. Як на пр. час; е минувшій, теперѣшній и будущій час; а однакож не три часы суть, только оден. Або берѣм сонце. Оно мае в собѣ теплоту, свѣтло и лучи и т. д.

Однакож сими примѣрами мы лиш близше принесеме таинство св. Тройцы до людскаго разума; цѣлком похопити его с нашим слабым разумом не можеме, правѣ так, як коли в малу ямочку не годнѣ есме вычерпать бездонное море.

3. Но у вас, п. батюшка, еще одна велика хиба е. Вы добераетесь толковати Боже слово, до котрого дѣла учености не маєте. Кто хоче быти проповѣдником Божаго слова, тому не доста 400 талляров мати, но и потребуеши не мало богословскаго образованя, головно в нынѣшних часах, коли только ворогов нападаютъ на Христовое учение. Довга борода и заплетеннѣ волося еще не уснособляютъ и не удостоять человѣка быти апостолом Христа. Такѣ особы як вы, котрѣ не в силѣ потолковати таинство св. Тройцы, лиш ганьбою суть той „твѣрдой православной вѣры“. (б). Слѣдующій вопрос батюшки: *Ци сотворив Бог ад (пекло) для грѣшников, где их мучити буде?*

Попы людей обдираютъ? Агитаторам удаєся з сею брехнею не малу шкоду причинити Христовой вѣрѣ и душеспасенію многих вѣрников. Кто бы не знал и кто бы не чув уже, что богобойный русин ходить до церкви, слухає св. проповѣдь, сповѣдаєся, а коли выступить из церкви або из фары не має доброго слова на своего священика, на своего душпастыря, на своего духовного отца! Мѣсто того, чтобы против всяких пройдисвѣтствия взяти в оборону своего священика и про него доброе слово сказать — русин обклеветає слугу Божаго и своего найцирѣйшаго друга и добродѣтеля болотом обкидае.

Може, что найдуться (або лиш найдлися) и такѣ священики, котрѣ узяли больше от своих вѣрников, як повинно было, айбо то мусить кождый честный человѣкъ признати, что из меже всѣх ученых людей правѣ наши священики были и суть найхудобнѣйшѣ. Всѣ другѣ урядники суть значительно лѣпше плаченѣ, всѣ мають великѣ платнѣ, всѣ другѣ за свою працю честно заплаченѣ — а от священиков и держава и народ шкодують хоть лиш только жертвовати, чтобы мог честно выжити.

Кождый роботник мае право пожадати, чтобы за его працю заплатили, лиш от священика жадають, чтобы из воздуха жив! Прикличеш лѣкаря, заплатиш ему, наймеш адвоката — знов заплатиш добре, наймеш слугу, кондаша, роботника — ани слова не кажеш, но коли священик за его обслугу дачто пожадає от тебе, тогды уже повное село, что поп обдирає народ. От попа з спокойною совѣстю пожадаеш, чтобы даръмо служив тобъ. Батюшкам носиш ночію роковину, яйця, курки, кушиш му кормника, хотя дурницю говорить тобъ из казательницъ, а ученному, законному священикови завидиш и послѣдний кусок хлѣба!

Тяжко порозумѣти гдекотрым мудрым, что если священик услугує своих вѣрников, учить дѣтей, учить старых, заспокоює всѣ духовнѣ потребы, отправляє, проповѣдає, сповѣдає — одним словом посвячуєся цѣлый для народа, то певно заслужить, чтобы народ его не пустив на жебранье.

Перед пару роками повнѣ были горла агитаторов за роковину и коблину. Теперь на Подкарпатской Руси лиш тот платить попови роковину, кто хоче, т. е. майже никто. Айбо пойди на якесь собраніе, та свѣтовцѣ повным горлом будуть брехати за поповскѣ роковины и коблины. А русин не платить нич свою священикови, а зато не перестане балакати, что попы обдирають народ“.

Слутное се дѣло и нещастливый той народ, кого так легко можно збаламутити всякими брехнями.

Там — и у нас. В Празѣ перебыває теперь оден бывшій гр.-восточный священик им. Г. Верховскій, который пересвѣдчившияся о правдивости каѳолическої церкви став греко-каѳоликом. Он подає такѣ интересантнѣ даты о движеніях церковного соединенія в Россіи:

„В Россіи и Українѣ многѣ священики и свѣтскѣ люде занимаються с каѳолическою церквою. И на основѣ ученій св. Отцов, вселенских соборов и богослужебных книг пришли на то пересвѣдченѣе, что видимою головою Христовою Церкви є римскій Отец и зато суть великими прихильниками соединенія церкви Восточної с Вселенскою. Сесѣ православнѣ священники молилися в проскомидіи за римского Отца, споминали его в св. службѣ, но лиш тихо, чтобы не учув діякон або служачѣ около престола. Е их доста много на Руси, головно в Курской діоцезї на чолѣ с епископом Арзеніем; в Кіевѣ два каноники, многѣ священики и два архимандриты в Печерской Лаврѣ. Священники такого настроя держали меже собою сходини, совѣтовались меже собою, обговорювали спорнѣ вопросы и приеднали новых прихильников Унії (соединенія). Патроном их кружка быв выбранный св. Лев, папа римскій. Сесѣ священники в службах молилися за римского Отца, проповѣдали вѣрникам о единствѣ Церкви и розширяли частое св. причащеніе. Кождого четверя сходилися в даяку церков отправили перед Евхаристією акаѳис и умоляли св. дары. Оден из них держав пропо-

въдь. Сам патріарх Тихон часто присутний быв на таких сходинах, но — як то он заявив — про политичнѣ обставины не мог быти порядочным членом сего товариства.

До сих слов додае о. Г. Верховскій: „Там, где появилися такѣ знаки духа соединенія, можеме надѣяться, что щира молитва и Божа ласка приведуть дѣло до того, что у короткій час „единим сердцем и едиными устами“ будеме спѣвати: „Христос воскресе“.

Чоловѣкови онъ плакатися хоче, коли подумае на то, что правѣ в сих часах, коли Восток ступив на святый путь соединенія — наши легкомысленѣ русины залишають истинну Христову Церков !

Голосъ изъ Америки. Николай Юрчишин пашъ краянъ изъ НижногоОрлиха у Barnesboro, коли дознавъ ся, что Вышнѣ-Орлихшане стали послѣдователями Фотія, слѣдуючій листъ пославъ въ свое родное село своему родакови, Саксъ Юркови :

„Христосъ воскресе ! Къ вамъ православнѣ Руснаки, а най изчезаютъ кривославнѣ ! Бо памятайте, что мы есме православнѣ, что ся тримаеме тоѣ вѣры, яку наши отцове, дѣдове, прадѣдове тримали т. е. православну. Позрѣйте въ Катехизмъ та найдете; а тотѣ, котрѣ отступаютъ то суть кривославнѣ-шизматики ; въ Америцѣ ихъ кацапами называютъ. Кто читавъ исторію церковну, то знае, бо тамъ вшитко есть коли отступили першѣ и прочто.

Пишете мой любый Юрку, обы я вамъ отписавъ что изъ того буде; ци лѣпше, або горше. Та только лѣпше якъ если чоловѣкъ стратить одно око т. е. ослѣпне; та одnymъ окомъ далеко не пойде. Такъ и съ тымъ православiemъ буде; то и туй въ Америцѣ такъ представили. А теперь имъ церкви на лицитациіи продають; такъ имъ батюшки выгаздовали, такъ и у васъ выгаздуютъ. И туй кождый говоривъ, что батюшки будуть за туншу платню служити; они изъ початку будуть доки нашъ народъ добре не порозумѣе дѣло. Доки живъ царь Николай, та ишли тысячи и тысячи рублей изъ Россіи батюшкамъ, чтобы нашъ народъ переводили. А теперь большевики имъ не посылаютъ, та уже мали въ Detroit Michigan соборъ, на котромъ рѣшили приступить къ протестантизму, бо батюшка за грошѣ ажъ и на турка пристане, бо онъ робити не хоче. А батюшками стали такѣ, котрѣ ключарѣ, финанци, або дяки были; якъ мали грошѣ, то бискупъ ихъ высвятивъ ! туй въ Америцѣ за 400 талляровъ высвятить ажъ и кочиша.

Теперь емъ читавъ, что въ Мараморошской жупѣ до Изы пришовъ батюшка а народъ ся зрадовавъ, же тотъ ихъ не буде такъ окламати ; побывъ за оденъ рокъ, набравъ пѣнязѣ, напозычав на церковь и утѣкъ; якъ 'го зловили, та дозналося, же то бывъ родомъ — жидъ.

Рок 1924.

„БЛАГОВѢСТНИК“

Сторона 145.

Нашимъ попамъ треба только платни дати, чтобы могли жити, жебы не ишовъ попъ орати, копати. Бо коли чоловѣкъ умерае, та треба попа фришно (скоро); а чтобы попъ отъ плуга такой чашу бравъ до руки, то бы'сте анъ сами не жадали. Я за попами не стою, бо и меже ними ся найде по одень, что лѣпше збае о свою кешеню, якъ о народъ; та се не чудное, бо и коло Христа бывъ одень апостолъ, который кассу носивъ. Айбо я знаю, что наши попы ученѣ, сколько они школы мають выходити, доки позволено имъ приступити до олтаря?! А батюшки не учать ся и тогда якъ знаютъ народови вытолковати св. Письмо, якъ самъ его не знае? Слѣпый слѣпого далеко не поведе, бо оба упадуть. Та и вы ся храньте и батюшку не пущайте до села, бо будете бановати. Не будете мати где молитися, бо наробите собѣ всякѣ довги, будете ходити по правахъ, та увидите, что изъ того буде. Почекайте еще 5 роковъ. Сесе письмо можете прочитати хоть кому аж и громадѣ; а который хотѣвъ бы поставити менѣ даякій вопросъ, то я радо дамъ 'му отвѣтъ.

Останьте здравѣ съ Богомъ
Николай Юрчишинъ.

Се есть голосъ остерѣгаючій всѣмъ тымъ!, котрѣ еще не покончтовали солодкости раю шизматиковъ. Шизматицка церковь всягде розпадае, розвалює ся, лиш у насъ люде не мають доста розуму, и пхають ся подъ розваляючіяся будинокъ шизматицкоѣ церкви, чтоб.. зарвала ихъ виедно съ собою въ вѣчну погибель ..

Из истории Церкви.

Русины на пути соединенія.

На флорентійском соборѣ (1439) восточна Церковь остановила фотянскую ересь иступила на соединеніе с вселенскою каѳолическою Церковію. Но в Греціи подбуренный народ — (лѣпше сказано: улиця) — не хотѣв чути о сем найгорячайшом желанію Христа Спасителя и оставилъ в розколѣ мимо воли епископов, патріарха и благочестивого императора грецкоѣ державы. Но невдовга пришла на них Божа кара; у пару роков г. 1553. Турки разбили грецку державу, заняли Царьгород и порабоцили от Христовоѣ Церкви отступленный народ.

Больше плодов мало церковное соединеніе на основѣ флорентійского собора меж русинами Россійскоѣ и Литовско-Польскоѣ державы. Из меже руських епископов присутній быв на флорентійском соборѣ сам голова руськоѣ вѣры *Исидор кіевскій митрополит*. Правда, он уже тогда не у Кіевѣ бывав, но в Москвѣ, бо Татары заняли были Кіев и мѣсто было постоянно выставленное нападам ворожих народов. Исидор поѣхав до

Флоренціи с згодою московского царя *Василія II-го*. Як и другъ восточнѣ епископы, и он быв горячим прислушником церковного соединенія и не малу заслугу мае в том, что удалось заключити мир и згоду меже двома частями Христовоѣ Церкви. Исидор из Риму вертав дому як от римского отца выименованый „посол Апостолскаго Престола для Руси, Литвы и Польщи“. ВERTAЮЧI ДОМУ ИЗ СТОЛИЦЫ МАДЯРСКОГО КРАЮ: *Буды* выдав Исидор посланіе до всѣх русских христіян, в чом заявляе свою радость из причины повороту восточных христіян до первѣстноѣ единости згоды и любви На пути до Руси в больших городах, як в Санчи, Krakovѣ и Lьвовѣ отправляв руское богослуженіе в римо-католических церквах, чтоб и сим доказати единость обоих церквей.

Як Исидор прибыв до Москвы, скликав всѣх русских епископов, вельмож, священиков, народ и самого императора и в церкви Пр. Д. Маріи на конци торжественнаго богослуженія огласив ухвалы флорентійскаго собора. Всѣ присутнѣ с великою почестью слухали прочитаніе грамоты флорентійскаго собора и имена подписанѣ великих восточных достоинств. Но царь, боячися обмеженія его власти в церковных дѣлах, противостояв сему благодатному дѣлу, накинувся на Исидора называючи его ложным пастырем, душегубцем и еретиком. Незадовго скликав своих епископов, котрѣ, чтобы угодити цареви, откинули ухвалы флорентійскаго собора. Розяренный царь потом осудив Исидора на вязницю и намѣряв его убити; по Исидорови удалось с своим учеником Григоріем утеchi до Киева и ратовать свое житъе.

Лѣпше повелася судьба церковного соединенія в Киевской русской державѣ, котра тогды подлежала Литовско-Польской управѣ. Туй володѣтель вдячно принимали думку церковного соединенія и в всем помогали его ускоренити меже народом.

Исидор за якійсь час перебывав в Киевѣ, потом папа выименовав его за константинопольскаго патріарха, где он аж до упадка столичнаго города стояв на чолѣ восточної церкви. Потом пошлов в Рим, где г. 1463 умер.

Наслѣдники его на кievском митрополичом престолѣ крѣнко держалися. По его резигнаціи Папа Пій II. выименовав за его наслѣдника г. 1448. *Григорія*, кто с Исидором виедно присутный быв на флорентійском соборѣ. От сего часу повстав роздѣл меже Москвою и Кіевом, бо в Москвѣ быв схизматицкій митрополит, а в Киевѣ греко-каѳолический. Из межи кіевских митрополитов головно *Іосиф II.* працював над укрѣплением церковного соединенія, скликав г. 1509. церковный собор до Вильна, старався поднести просвѣту духовенства, поставил много школ, и выдав друковати церковнѣ богослужебнѣ книги. Но од года 1520, коли под впливом московского царя став кіевским митрополитом *Юна II.* явный ворог греко-каѳоликов — почала наша вѣра упадати и понеже римскѣ отцы на западѣ занадто занятѣ были з лутеранизмом, церковна унія (соединеніе) часом заснула.

Рок 1924.

„БЛАГОВѢСТИК“

Сторона 147.

Не народ, не священики, не епископы были еъ противниками, по московска держава, чтоб могла таким путем под свою власть загорнути русинов.

Сей смутный стан русинов тревав только 76 лѣт; на Брест-Литовском соборѣ знов ожила благодатна думка церковного соединенія русинов. (б).



ЛОВЛЯ РЫБ.

Уже тричѣ сѣти закидали,
У синье море рыбаки,
Та все надаръмо, вытягяли
Пустіи сѣти из воды.

Рыбак Петро вже утомив ся,
Покинув сѣть, лишив човно;
Аж в том Мессія приближив ся,
И прояснилось всѣм чоло.

„Вступить в човно, сказав Мессія,
Закиньте неводы ще раз
Не згасла, еще вся надъя
Ловля велика жде на вас“.

Заграло море под човнами,
Заклекотѣли волны знов,
Вода поднялась под веслами
А неводоморем тихо ишов.

Ишов якъ плуг, что крае скибы
Под засѣв збоже на веснѣ,
Ишов и брав в неволю рыбы
Что володѣли в морском дни.

Ловля скончилась. Рыба біе ся
В неволь-сѣтях на човнах;
Петрови пот з чола аж лльє ся
А в сердци інших диво и жах.

Петро паде, якбы зомлїв,
Паде як цвѣт до ног Христа:
„Иди од мене, о Мессіе,
Бо грѣшна е моя душа.“

„Не боїся Петре, ты'сь скалою,
Чого ж душа твоя трепити?
Од нынѣ, Петре ты зо мною
Ловити будеш души в сѣть“.

о. ПАВЛО ШТОКАЛКО

Коли чоловѣкъ на ворожку слухае.

Черезъ село Болотяное переходивъ разъ Ферко присяжникъ и якъ прийшовъ на середину села, видѣвъ, что тамъ велика товпа людей изойшла. Якъ прийшовъ близше, увидѣвъ на пути едину цупдраву (ряндаву) жену лежати, котра правъ умерала. Жона еще разъ-дваразъ потряслася и по тому перестала жити.

Ферко позвѣдався отъ людей, ожъ что есть причина сего смутного случая; на се люде одповѣли такъ:

Уже 15 годовъ минуло тому, коли въ Болотяномъ за старосту выбрали Мудрого Ивана, который молодый, но зато дуже ученый чоловѣкъ бывъ. Якъ минувъ часъ службы его, люде и не хотѣли другого выбрати за передника и такъ его опять поддержали, бо свою роботу дуже добрѣ кончивъ.

Необавцѣ Иванъ Мудрый оженився. Молодята дуже благожили и блаженство ихъ еще большое было, коли уродився имъ одень хлопчикъ. Петро такъ файно кончивъ свое дѣло, что еще и на жупанскомъ домѣ похвалили его. За бѣду не знали и таки жили собѣ честно и тихо.

Но разъ пакъ великое несчаствя упало на нихъ.

Гафа (жона Ивана) дуже похворѣлася, чтось ей изъ одну болѣю. Сосѣдове пакъ-такъ дорадилися, что треба довезти ворожку, стару Торомбаню. Но она еще горшу бѣду сдѣлала, бо намусѣла ворожка невѣсту, чтобы она одень лятеръ паленки выпила. Отъ того пакъ она еще лѣпше похворѣлася на только, что мусѣли уже и попа приклекати къ ней. Душпастырь заразъ убачивъ, ожъ что тутъ бѣды наробило; и зато розказавъ до хворой только молока насыпти, сколько лишь можъ. На другій день уже лишила ю хворота и у малый часть цѣлькомъ выздоровѣла. Якъ жоны видѣли ю уже здорову, почали говорити, ожъ якъ фаенъ знае гоити ворожка Торомбаня.

Небога невѣста уже и сама зачала вѣровати, что ю не священникъ съ молокомъ, але Торомбания съ паленкою выгоила. И зато кождоденно кушала паленку и брала капки, якъ то и наши жоны, та и бабы звыкли чинити. По кушаню пакъ почала кождоденно пити, и не разъ ажъ до пянства напила ся.

И по тому жонѣ уже не хотѣлося робити; сама въ цундравомъ шатю ходила. Уже у два годы цѣлькомъ ишакій свѣтъ бывъ у Мудрого Ивана.

Жона все до корчмы ходила. Сына хворого не обхожковаля и такъ онъ пльснѣвъ изъ дня на день. Неборакъ мѣзерный бывъ и уже ледва живъ. Одного дня принила мати ияна изъ корчмы и хотѣла сына купати. Но не дуже мѣрковала и такъ сына обляла кипяткомъ, что хлопчика красиѣ попекла. На другій день выстерли сына.

Коли сіє Иванъ видѣвъ, отъ жалю и самъ поддався У еденъ мѣсяцъ уже и онъ въ кладбищи почивавъ.

По сему пакъ жона еще лѣпше пила. Газдовство розмарнила цѣлькомъ; земля, виноградъ (винница), лазокъ, то вишитко пошло до жида.

И якъ видѣли'сте — заключавъ свою бесѣду чоловѣкъ — въ пяномъ состоянїи тутъ на пути кончила свой животъ. Тота жона, котра не давно еще перва и найсчастливійша была въ селѣ нашомъ, еге туй лежить передъ вами.

Ферко по тому дальше путешествовавъ и такъ раздумовавъ въ собѣ: Господи! Господи! дай чтобы наши люде научилися изъ сего смутного примѣра, чтобы межи нашимъ честнымъ народомъ, чимъ менше пяницъ было.

Вышнянскій.

Којось.

(Легенда)

Колись давно, не были люде такъ бѣднѣ, якъ днесъ, бо перше то не такъ хлѣбъ родився якъ теперь, что жито або пшениця має лишь таке колосье, якъ на людску долоню. Колись мала пшениця колосье вже одъ самої землѣ и стебла ничо не было видно.

Было се дуже давно, якъ еще Іисусъ Христосъ и Матка Божа по свѣтѣ ходили. Ходять они одъ села до села, научають людѣй, что треба иначе жити на свѣтѣ, что не треба лишь о свое тѣло дбати, але и о душу, что треба любити оденъ другого, бо всѣ люде суть ровни, нема богатыхъ и бѣдныхъ, бо якъ кто мае много, то повиненъ дати тому, кто ничо не мае.

И такъ ходять они по селахъ и научають, а люде слушаютъ и дуже имъ подобається наука Христа.

Але не всѣмъ людямъ припала до серця та наука, не всѣ Сына Божого радо витають. Особливо богачамъ не подобалися слова Христа, бо имъ, жаль было дѣлитись своимъ добромъ съ бѣдными.

Разъ иде Христосъ съ своими апостолами черезъ село, утомились уже довгою дорогою, та захотѣли ъсти.

— Святый Петре, — каже Христосъ, иди межъ людѣй, та принеси дечто ъсти.

Пошовъ Петро до одного богатого господаря и просить хлѣба. Той выляявъ его, неробою назвавъ, та хлѣба не давъ. Пошовъ Петро до другого, другій те саме сказавъ, у третього такожъ хлѣба не дали и вернувъ Петро зъ ничимъ и каже до Христа:

— Нема хлѣба! Въ селѣ сами богачѣ, хлѣба мають досыть, але никто не давъ ни крышки, ще мене ганьбили, волоцюю прозывали, казали, чтобъ мы пошли на хлѣбъ працювати, такъ якъ они працюють.

Прикро стало Іисусови, что люде такъ недобрѣ и захланнѣ. Та онъ прійшовъ, чтобъ имъ дорогу до вѣчного щастя показовати, чтобъ имъ горьку недолю облегчити, а они ему куска хлѣба жалують.

— Люде, люде! Что вы бы могли зробити безъ мене? Кто вамъ все то дае, что маєте? Что дѣялось бы въ вашихъ серцихъ, якъ бы такъ вы голоднѣ просили о кусокѣ хлѣба, а другій бы васъ одъ себе прогнали!

Выйшовъ Христосъ за село, а тамъ широкѣ поля, укрыты золотымъ колосьемъ, а то колосье съ тихимъ шепотомъ хилиться ему до ногъ, а Христосъ глядить розжаленый кругомъ себе и каже:

— Сколько тутъ хлѣба родиться, а я ходжу голодный! Най одъ нынѣ не выростає колосье лишь солома...

И взявъ Христосъ рукою за колосье при самой землї и тягне до горы, а зерна теребляються, сыплються на землю...

Надойшла на то Мати Божа, видити, что Христось хоче знищити пшеницю, ухватила въ долоню вершокъ колося и каже:

— Сыну, лиши хотъ се, что въ руцѣ маю, — для песика и котика..

— Правду кажешь, моя Мати, — одповѣвъ Христось; треба лишити мало для пса и кота, бо они не виннѣ тому, что люде такіи захланни, та трудно, чтобы нѣма звѣрина терпѣла за людскіи грѣхи!

И лишивъ Христось вершокъ колося, якъ раз столько, что тримала въ руцѣ Мати его — и одь того часу стало выростати колосье лишь такое маленькое, якъ на людску долоню.

И уже не мають люде нынѣ столько хлѣба, якъ перше, а и то, что родиться, то лишь изъ ласки Божоѣ для пса и кота...

С. Калинець.

Американска шизматицка Церковь перейшла на протестантизм.

Смутный конецъ уже достиг от скалы Церкви оторвавшуся американську шизматицку церковь. Як *Просвѣта* американска газета пише, россійскѣ „православнѣ“ в Америцѣ золлялися з англиканами и ступили з ними на соединеніе. Дѣло случилося такъ:

Як вѣдомо, в Россії есть двояка „православна“ вѣра; одна цареславна на чолѣ з *Тихоном*, друга большевицка з *Евдокимом*. Епископ Тихона в Америцѣ *Платон*, а большевицкій-православный женатый батюшка *Кедровскій*. Доки царь жив, доты добре ся вело православным, бо было доста „денег“ (грошей), но коли запановали в Россії большевики, взяли верх над цареславными и почали забирати церковнѣ маєтки от них. Нещастный Платон крутився то сюды, то туды. Глядав помочи и головно грошевоѣ подпоры. Но „дъенег“ в теперѣшиѣ часы не легко достати. Из царскоѣ кешенѣ перестали плыти; „руснацы“ перешовшѣ на „православіе“ не звыкли давати; самых россіян не пытай ся — они не разумѣютъ подпоровати церковь. Так Платон подумав звернути ся до богатых протестантов. Но протестанты задурно центы не дають; за доллары они пожадали душу православных. И Платон дав.

2-го фебруара скликав Платон „православный“ церковный собор. Засѣданіе держали в протестантской (англиканской) церкви под проводом самых протестантов. *На соборѣ рѣшено было оторвати ся от краевоѣ (Россii) православноти церкви и единити ся з протестантскою церковю.*

„Но чтобы покрыти всю ганьбу зрадництва — пише о. Авроров, автор статѣ — духовенство голосить своим вѣрникам, что еже видите яка православна вѣра добра, же сами англичи

жадають с нами соединенія. Но неудовга простый, вѣруючій хлоп порозумѣс чому англиканы не идуть до православных церквей, а „православный“ русин пхається до протестанскоѣ молебнѣ. Он пожалуе и горько пожалуе, что в сей новой „православной“ вѣрѣ он залишив пренепорочну Богородицу, в которой англикане не вѣрують а в англиканской молебни нашов роспustных голых дѣвок танцуючих при церковных олтарях (як то робить ся в Нью-Йоркской анг.-ой епархії)“.

В Америцѣ также совершилося то, что у нас еще лиш кипитъ. И наши шизматики станутъ жертвами ческословенскоѣ ереси; достанутъ епископа из Чехіи и будуть частію ческословенскоѣ вѣры с восточным обрядом. Або ци не е уже так? Ци не суть они уже одорванѣ од россіян, от сербов и приключенѣ до пражского епископа Савватія и исповѣдають само туго ерешицку вѣру, что вынайшли по револуціи ческословенскѣ „церквичкарѣ“! Нам жаль за только много невинных душ...

Меморандум.

Греко-кафт. громада з Копашнова подала слѣдуючій меморандум через свою депутатію на авдіенціи пану Губернатору 4-го фебруара 1924 в Хустѣ.

Высокопочтенному и славному пану Губернатору и пану вице-губернатору Подкарп. Руси, пану жупану мараморошскоѣ жупы и пану головному начальнiku хустского округа.

Славнѣ панове!

Греко-кафт. вѣроисповѣдна громада из Копашнова тѣшиться, что вас всѣх своих управителей в'едно и нараз через свою три-членову депутатію може в своем городѣ привитати и по-здоровити, тѣшится разом и зато, что має способ и іщаств перед всѣх вас предложити свой меморандум и что не треба тратити час и мати выdatки, ходячи из уряду до уряду, глядаючи свою правду, як то робиме уже три роки.

У нас из гр. кат. вѣроисповѣдноѣ громады под проводом бывшого сѣльского бохтаря (теперь священник) Юри Кениза еще децембра 1919 года близько двѣ третини громады беззаконно выступили на нову гр. восточну фотіянску вѣру, збудовали собѣ и дом, монастырець для Богослуженія.

Близько одна третина христіянства обсталася непоколебимо в попередной вѣрѣ аж до нынѣ.

Нововѣрцѣ, разбойники Христовых и свѣтских законов, за церковнѣ маєтки еднакож непрестанно неспокоили нас и 18-го септ. 1921 года, нашу церков с помочію сусѣдних сел и против всяких урядових препятствій, насильствіем и беззаконно перевіятили на свой обряд.

Окружный суд в Хустѣ под ч. 524/22 в имени Республики репозиційним правом зараз нам церков вернути присудив, что 12-го янв. 1923 г. лиш с 40 жандарями могло совершитися.

18-го марта 1923 схизматики церков знову розбили и пересвятили, а другъ церковнъ маєтки заняли в свою власть и от того часу дармо трудимеся по всѣх урядах, не можеме достати знову жандармску, полиційну або военску асистенцію на оборону судового екзекутора, при переведеню разом и на оборону нашого духовника и вѣрников при новом пересвященю по нашему обряду.

Окружный суд в Хустѣ под ч. 324/23 репозиційного права во имени Республики присудив нам насильствіем забранъ маєтки, но без жандармскоъ помочи судовим екзекутором не могутъ быти нам переданъ, бо и при першой передачѣ при 40 жандарях была битка, тѣ и против верхности жандаров збурилися, зачто дваразы под ч. 70 23 а Vr. III. 329 23 Юра Кениз и его товариши на судовой столици в Хустѣ были засуждены.

Славнъ панове! Чтобы вы в одном селѣ не могли порядок и подержаніе законов зробити, то не вѣриме, бо в Вышковѣ знали сте зробити, коли повстали против мобилизації! А что односиться выдатков, не жалуйте! Най платить кто винен! А може не хотите? Ото вашою повинностю е, задержати законнъ порядки, коли есте управителями народа.

Мы зато платиме дань и даеме своих сынов до военсково служби, абы наши маєтки в наших руках были, и чтобы наше житя спокойное и забезпеченое было; а якое житя мы туй жиєме между тими законоломцями, о том уже всѣ уряды добро знаютъ и из того мож бы окреме едну книгу написати.

Славнъ панове! Не держте нас за таких глупых, якими мы видиме ся быти, бо мы видиме, что ся дѣе, не уподобляйтесь пару соткам шизматиков, розбойников законов, они не спасуть вас в ваших потребах, бо на Подкарп. Руси было, е и буде большинство греко-кафтолическое. Мы бы собѣ самѣ зробили порядок як бысме хотѣли, но нас придержує наша истинна христіанска вѣра до подержанія церковных и свѣтских законов, тадь и мы такъ люде и републикане есме як и шизматики, може и лучшѣ, бо через нас Чехослов. Республика ганьбу еще не прияла и за границями, як через гр. восточных беззаконников.

Мы вынятного заступленія не просиме, лиш оборону законов и правды, обы они мали двѣ церкви, а мы обысме не мали где Богу послужити. Мы крѣпко опираемся на силу законов републики и строго прилѣпляемеся к ним.

Ласкаво просиме, жадаеме и требуеме, чтобы администривнъ уряды из порозумленiem судового екзекутора, як и нашим заступником др. Юліом Егреши и гр. кат. духовником, всѣ из Густа, на еден день зтягнути достаточну жандармску силу до Копашнова и там всѣ церковнъ маєтки як церков, школу, фару и землѣ до рук гр. кат. кураторіи передати, також от батюшки Кениза, чтобы от церкви и иншѣ клучъ, як и церковнъ метрики и иншѣ книги були отобранъ а нашему духовнику переданъ, а чтобы батюшка з нашою фары своими вѣрниками тот день быв перевезеный до своего дому.

А если шизматикам сесе не буде ся любити, най они ся глядають судовым путем на нас.

В противности правительство отповѣдность перебирає на себе, бо и мы за законное свое не даме ся.

Копашново, 4-го фебруара 1924.

С глубоким почтенiem:
слѣдуютъ подпisy.

Из шизматицкого раю.

Плоды кривославія. Великій пост е часом покаянія и временем благополучным, для собирація заслуг, на вѣчное житіе. Так е то там, где Христову вѣру еще не знишила ересь. Но где батюшки стали апостолами и учителями народа, где батюшки держать постнѣ проповѣди, там народ не на такѣ побожнѣ дѣла думае. От красный примѣр! В Руськом е оден батюх, кто не давно еще вояком быв. Его „вѣрники“ однѣ ночи *зняли капуру, разметали мур около фары гр. каѳ-ого духовника и выверли из загороды одну филегорію.* (На рано якъсъ люде; лѣпшого чувства принесли назад ворота и якось поскладали разметанѣ каменя.)

Се есть явным примѣром того, як глубоко упаде там моральна и побожна жизнь, где схизматицкѣ батюшки голосять слово Божое.

Руйновати, никоду робити, безчестити, помститися а всякъ инишѣ без законія суть плодами кривославія.

Твердо в вѣрѣ! Не далеко од Хуста е малое село, в котором не больше, як 750 жителей всѣх, но прото е житъм интересантным теперешнього „православного руха“ и боротьбы крѣпких христолюбимых вѣриков против одступников. Се село е *Крайниково* в жупѣ Мараморошской.

Се село один гр. каѳ. остров серед моря шизматицкого, которое як вѣчно горюча лампа — свѣдительствуе благодать Господа нашего Іисуса Христа и служить примѣром истинної христіянскої жизни.

Коли шизматики видѣли, что село Крайниково и его благочестивѣ боголюбивѣ гр. каѳ. вѣрники, якъ крѣпкѣ, всѣми силами на том были, чтобы нашли пару „кукольов“ в истинном зернѣ. — Се было их средством вже прежде 3-ма роками. Сесѣ „лже-пророки новоѣ вѣры“ повинуючися Кабалюковому посыланю: „Щедше между истинных Христовых гр. каѳ. вѣрников, проповѣдайте им ложное православіе, шизму, разореніе истинѣ, единотѣ, святотѣ, соборнотѣ и апостольскоѣ Христовоѣ Церкви“.

Пришли и сюда. На се мали добру науку из „Шизматицкого Евангелія“, в котором находилися:

— Греко-католики то мадяроны. Папѣшѣ и пр. И вы сякими будете, если не будете „православнѣ“. Жоны, котрѣ мають своих мужей в плѣну руськом, неполучать помочи военноѣ,

но если перестануть на „православиу“ вѣру, еще больше будуть доставати. Кто не е православныи, тот не е русин и т. д.

Се были апостолы Кабалюкового „Евангелія“, которым помогали єженедѣльно и на святах и по 2—3 „православные батюшки“.

Зачим видѣли „кацапы православные“, что дѣло не иде, почали по даному им рецепту заберати церков, „ибо народ пойде за церковю“. Два головиѣ кондашѣ „апостолы“ ходили аж до Праги церков просити, перед тым же до Севлюша, Ужгорода. Достигли лиш только, что выдали тысячи корон, котрѣ еще и теперь в воздухѣ висять, ибо не удалося прибавити и забрати церковну касу гр. каѳ. Коли вже их было пару фамилій, досудили одобрати церков и то на Благовѣщеніе. Сю вѣсть разпространяли успѣшио, но лишь зато, чтобы в попередню недѣлю ранком взяли и пересвятили церков. Пригласили верховнаго апостола Венямина и трех помочников. Верховный апостол шизмы Венямин на трех мѣстах став у селѣ, но видѣвше там 12 жандаров лучшим считав „нич не творяще дале путешествовать“. Головный отступник, бывшій куратор по сему выдумав, что лѣпше буде если насилу одберуть и дадуть замкнути церков, что и сталося, но уряды єдомкли церковь и передали гр. каѳ. Тотды рушилися до главнослужного в Хустѣ и выходили дозвolenіе на посвященія пасхи коло гр. каѳ. церкви. Гр. каѳ. громада не знала похопити, причину разпоряженія главнослужновскаго уряда о сем дозволеніи и остро запротестовала против несправедливости.

Шизматики тогда стали говорити, что лишь один гр. каѳ. е в Крайниковѣ, что красно показалося на первый день великоных свят.

Пришов батюх, но лише 63 пасок святив, а другъ всѣ были у нас. Може видѣти весь свѣт, як не е туй гр. каѳоликов. Трирочна робота мала слабъ плоды: лишь 4 погребенія и 10 крещеній, котрѣ выслужили батюшки.

Мы много терпѣли, но Бог святый помог нам давше нам непоколебимых борцов як Михайла Кошана, новых кураторов, Михайла Вайногія, Юра Цьока и Тонія Колчара и других ревных гр. каѳ. вѣрников. Честь и слава им! На многая лѣта! Мы се видѣвше с радостным сердцем спѣвали благодаряще Бога всемогущего: „**Сей день, егоже соткори Господь, козрадвемся и козвеселимся въ онъ**“.

„Православіе“ и комунізм. В селах, котрѣ найскорше и найсильнѣйше были зараженїе шизмою, комунисты достали наибольшій процент голосов. Так напр.:

в селѣ Иза	из 1200 гол. достали комун.	726
” ” Конельово	” 996 ” ” ”	818
” ” Березово	” 940 ” ” ”	818
” ” (пол. гр.-кат.)		
” ” Шандрово	” 565 ” ” ”	404
” ” Керецки	” 1000 ” ” ”	800

в селѣ Сухабронька . . .	из 620 гол. достали комун.	538
” ” Кричово . . .	” 545 ” ” ”	463
” ” Теребля . . .	” 1125 ” ” ”	983

Сесь даты ясно доказують, что тот большевизм, якій провадився з стороны поедных факторов влады против нашої гр. кат. Церкви, которым разбивали нашу духовну жизнь, который проявлявся в том, что разагитована Гагатковцями дика топта и подпорована урядниками в родѣ Навроцких и Крибелов, заберала наши церкви и школы, вымѣтывала духовников и пр. — сесь большевизм веде ко революційному комунизму и кончитъся в повній анархії. Если пражское правительство саме хоче уничтожати туй всяку консолидацію, най продовжає сю роботу дальше, но тогды най ся не чудуе, что не буте мати ни одного прихильника.

ВСЯЧИНА

В одній школѣ в Видиѣ отець духовный говорив о том, что в потребѣ кождый може крестити. На то одозвалася одна 9 рочна дѣвочка:

„Я уже крестила в нуждѣ“.

„Кого?“ звѣдає о. духовный.

„Мою сестру“. Вчера уродила ся и была дуже слаба. Мамка загойкали: Скоро покрестити Ѣ! На то я казала: Я знаю як треба крестити. Взяла'емъ воды, вылляла'мъ на голову сестры и под тым казала'мъ:

„Крецается раба Божа въ имя Отца и Сына и святого Духа. Аминь“. По крещеню у 15 минут умерла. (Якое важное е, чтобы дѣтей научили на катехизм!)

Мати Божа — Мати наша. Одного раза звѣдався оден протестантскій пастор в Гамбургу от славного проповѣдника Товариства Іисусового, о. Рога († 1872.), для чого люди каѳолическої вѣры весельйшѣ и радостнѣйшѣ, як протестанты.

О. Рог на сей вопрос отвѣчав протестантскому пастору так: „Панс пасторе, вы добре знаете, же поки у дому жіе мати, то дѣти радують ся и тѣшать ся. А коли мати помре, то дѣти спускають голову и жалосно наоколо ходять. Так и с вами протестантами. Одколи ваши реформаторы откинули почитанье Матери Божої, вы без матери“. *Мы каѳолики маєме ще Матерь и для того мы так весель.*

„Зла совѣсть, есть подобна до такої годинки, котра злодїя все зрадить; може быти хоть яка студень, чоловѣкови злої совѣсти все душно буде: може он меду ѿсти однак горький его смак; може на пѣрях лежати, однак тискає его твердий камень совѣсти; може ясный день быти, однак гремить в нем

зла совѣсть; може мовчати як риба в водѣ, однак кричить в нем зла совѣсть. Зла совѣсть така, як пес, котрый цѣлу ноч бреше и гавкатъ; когут, котрый цѣлуnoch пѣе, звон, котрый постоянно звонить пищалка, котра безпрерывно пищить, воз, котрый постоянно скрипить, и комен, что безнастанно курить.“ (О. Абр. а S. Clara)

Іисус Христос у убогих. Святый Іоан Канцій, котрый быв професором на университетѣ в Краковѣ, запровадив в дому, в котром находили ся ученики на бываню и косту, слѣдуючій звычай:

Если пришов подчас их обѣда даякій убогій чоловѣк, то слуга мусѣв зараз сказати першому, котрый сидѣв при дверех: Убогій пришов! Ученик на то перед всѣми учениками мав сказати: Христосъ пришов и зараз мав постаратися, чтобы убогій достав ъсти.

Святый хотѣв поучити своих учеников на слова Спасителя, котрый скаже на страшном судѣ:

„Что сте зробили одному из тых моих найменших братов, то сте менѣ зробили“. (Маѳ. 25, 40).

Читатель! Помагайте убогим и бѣдным, бо то Богу міле дѣло. По милостинѣ чоловѣк доставае великѣ ласки от Господа, а особливо ласку отпущенія грѣхов.

Люби правдиву вѣру! В Антіохії дня 18-го новембра 303 года умер за вѣру Христову оден хлопець...

„... Та ци тово дурниця, что наїгѣ кесаръ богов почитають?“ — звѣдав поганскій префект, им. Асклепіяд, от гнѣву дрожавше.

Перед ним стояв яко обвиненый св. монах Роман. „Так есть! То дурниця та еще не мала!“ — одповѣв монах. „Кесаря ради прошу тя: дай призвати найперше доброе дѣтятко та позвѣдуй от того!“

Судія согласився. Привели из улицѣ одного хлопця, четверторочнаго *Барулас* быв.

— Скажи мнѣ, маленький, что есть правдою: что ци лиши одного Бога треба умоляти или людьми зробленых богов?“

Свѣжо дав отвѣт хлопчик: „Лиш одного Бога треба умоляти, котрый под клѣпом ока сотворив всю, через Сына своего единородного. А боги (божчики) лиши чоловѣческѣ твари из каменя и дерева!“

„Проч ’з ним!“ — разказав розяреный судія. „Вышвакайте ’го прутом!“ Сесе отбылося так.

Тогда выслѣдовав дале: „Кто в тя надыхав такъ слова?“

— „Менѣ не казав то нѣкто“ — говорив весело хлопець, „но я чув каждого заранка матерь мою молитися: „Оден Бог и Его Сын Іисус Христос!“ Я от неѣ чув. А мати от Бога!“

— „Также и ты християнин!“ — выкрикався на хлопца тиран.

— „Айно“ — одновѣв хлопчик. „Я само так вѣрю в Христа, як и мама моя!“

Теперь неистовый чоловѣк розказав привести и мать и поставив є напротив своего хлопчика кровію облятого и на мучительном древѣ висящого.

Коли хлопчик увидѣв є, восклікнув: „Мамко, дай ми пити! Воды 'м жаден!“

А героїчна мати: „Откажися, дѣтино мое, сеъ воды! Спѣши до живоѣ воды, спѣши до вѣчного источника, спѣши до Христа, который и дѣтей вѣнчає и зробить их мучениками!“

Хлопець Барула успокоився. На другій день была 'му одрѣзана голова.

И ты от матери достав твою вѣру. От твоєъ сеземноѣ матери и от тоѣ матери, котра „из свыше есть“, от св. Матери Церкви. Люби свою истинно православну каѳолическу вѣру та жий по ней! А что ты раз вѣруеш и любиш, то гордо и любо спсвѣдай и внѣшно: „Я от мамы достав (вѣру), а мама от Бога!“ Тогда всегда обыйме и твою душу утѣха и оборона и сила вѣры.
Крѣпковѣрій.

Руський Великденъ в Парижѣ.

В Парижѣ (Франція) жіе великое число россіян, которых большевики выгнали из краю. Они в Западной Европѣ познакомилися с каѳолическою вѣрою, полюбили еї, пересвѣдчилися о том, что восточнѣ христіяне за часов Фотія и Керуларія одорвались од скалы св. Петра — а теперь многѣ из них вернулися назад в каѳолическу Церковь задержающи свой восточный обряд. Меже сякими наверненными есть и оден руський архимандрит, им. о. Сергій Дабич, кто сими часами перебыває в Парижѣ и есть парохом одной парижской гр.-каѳ. Церкви. Од него досталисме слѣдуючѣ строки в которых описано, як россіяне греко-каѳолики праздновали Великденъ в Парижѣ.

В присутности майже 1000 особ великоруськоѣ и французскоѣ народности в церкви діоцезальной ул. Ŝeves ч. 33 в ночи из 26-го на 27-го апрѣля отбылося торжество Воскресенія Господня. От 11¹/₂ годины (вечер) читали вѣрники оден за другим из книги „Дѣянія апостолов“. Точно в полночи перед иконостасом поставала в ряд процессія и рушилися на обход. На передѣ крест, потому хор дѣтей з свѣчками а за ними слѣдуючѣ священникн: о. Иван Николов спиритуал русько-каѳолицкого семинаря им. св. Василія в Ліллѣ (болгарин); князь о. Гика (румун); о. Христов (француз болгарскаго обряда); о. Ерейнов (россіян) приватный секретарь апостолскаго нунція. По них иде: о. Сергій Дабич руський архимандрит, на грудях блестить грудный крест, на головѣ корона из золотого шовку, украшена образами святых и дорогоцѣнными каменями на верху з крестом; в правой руцѣ держить трираменный свѣчник, якого три свѣчки означаютъ три особы Тройцы Святой — а в лѣвой руцѣ восточну епископску палицу с двома годинами, что есть знаком

мудрости. Процессія при звуках звонов спѣваючи оставить церков и обходить еї. Нагло станеся темно в церкви, лиш свѣчки процесії свѣтять в темной ночи. Як заходить до Церкви уже высвѣтленной, починається великолідня утреня надзвычайно величавого характера с мелодією радостною и веселою под котрим о. Дабич большераз кадить вѣрников и привѣтствує их словами: Христос Воскресе. На службѣ, яка была по сему служена со дѣйствіем всѣх священников всѣ священники разом сказали слова: Пріймите, гадите... и пійте отъ мене всѣ! и всѣ из одной чаши причащалися. Евангеліе читалося на языках: церковно-славянском, гречком, латинском, французском, великоруськом, румуньском, сербском и польском. Причащалося больше як 100 особ, из которых были и якъсь французы.

На литургії о. Дабич выголосив св. проповѣдь на руськом языцѣ в которой привѣтствовал своих земляков, напоминаяв их, что терпѣння в чужинѣ повиннѣ зносити як покуту за грѣхи и горячо молитися, чтоб Христос Бог удостоив Россію ступити в правдиву Христову Церков. Пригадує, что римскій Отец сколько много зробив для русских, коли они находилися в нещастю и что св. Отец всегда с великим сочувствіем дивиться на глубокій упадок Россіи; не перестане молитися виедно с миллионами католиков: „Спаситель мира, спаси Россію; (гасло папы Пія XI).

Богослуженіе скончилось по другой годинѣ с цѣлованіем св. креста, что держав тmg. архимандрит Дабич!!!

Цѣлый христіянскій свѣт с радостю наповняється видячи, як осуществляється горячое желаніе Христа Спасителя: „да всѣ едино будуть“ (Іо. 17, 21).

Новости

— Ци правда что комунисты не рушают вѣру? Может, что нѣт, доки еще не запановали над народом, но где они стали панами, там горе христіянской вѣрѣ. Примѣр на се славна Россія. Одна нѣмецка газета подає сумный образ католикоў церкви в Россіи. Пише слѣдуюче: „Комунисты усунули всѣх католицких епископов и заперли всѣ семинаріи. 35 священников увязнили. Церкви забрала держава и лиш в декотрых дозволено за высоку грошеву таксу богослуженіе отправляти. Другѣ церкви перемѣнили в театры и кина. Детективы постоянно ходят за священниками и головно на их проповѣди уважают. Дѣтей на религію (катехизм) учити не вольно, за се установлена строга кара. Однакож священники и епископы совѣстно сповняютъ свої обовязки и терпеливо чекаютъ, что принесе будучность. Комунисты и у нас говорять, что они не мѣшаютъ ся в

вѣру. Нѣт, доки не мають власти; айбо тогды, тогды уже не фиглюютъ.

— Пропав десь труп Ленина. По цѣлой Россіѣ и Українѣ, а из оттам и в дальшій свѣт розлетѣла вѣстка, что гроб Ленина завалив ся и труп его зчез десь под землю... Ленин быв для комунистов нѣбы Мойсей для жидов; розлука в том, что Мойсей провадив народ до Бога, а Ленин войовав против Бога.. По смерти справили большевики (комунисты) Ленинови такѣ похороны, яких хиба давнѣ фараоны мали. На гроб для него выбрали площе пиля славноѣ царскоѣ палаты на Кремлю в Москвѣ. Над гробом мав выбудовати ся величавый памятник. Але Бог ишак судив... Сталося с гробом чтось нечуваного: гробница запала ся и труп новосвѣтного божища пропав десь под землю. Обывателѣ города занепокоили ся и всягды говорять за кару Божу, за темну силу и т. д. Инженеры не годнѣ пояснити дѣло. Они кажуть, что правдоподобно глубоко под площею быв якій старинный канал а он завалив ся, а гробовец Ленина пошов в той канал. Трупу до теперъ не нашли. Войско день и ночь стоять на той площе и никого туда не припускають. Тяжко не думати на Божу руку чуючи таку дивну вѣсть за домовину Ленина...

— Подяка. Нижеподписанный, выражаютъ благодарность изъ глубины моего сердца Небеснымъ лѣкарямъ Пр. Дѣвѣ Марії, Св. Іосифови и всѣмъ святымъ, что мене изъ *тяжкоѣ недуги* (где человѣческа сила показалася слабою) вылѣчили и назадъ вернули до живота, отца четверо дѣтей.

Изъ сего поводу для розширенія славы Божоѣ дарую на фондъ Благовѣстника 20 Кч.

Баньскoe, 25. III. 1924.

о. Василій Ляхович,
парохъ.

— Духовна праця епископа пряшовскаго. Мѣсяца апрѣля продовжавъ епископъ пряшовскій свою апостолску подорожъ. Всягды с великою радостю и великимъ торжествомъ привитали его и всягды чувствовавъ народъ горячу любовь епископа къ руському народу и его апостолскій дух. Въ Штелбаху, о. Петренко привѣставъ Владыку и такой отпровадивъ Его до церкви. Слѣдующій день многи приходили на сповѣдь, церковь полна была на службѣ преждосвященныхъ даровъ. Апрѣля 4-го рушився Преосвященный до Дячова, гдѣ уже чекали Его о. Жеденій и о. Молчанъ съ вѣрниками; въ церкви откончивъ Владыка молебень; послѣ того слѣдовала горяча наука Преосвященнаго. Рано торжественна служба Божа жертвовалася; всѣ вѣрники сповѣдалися и причащалися. Слѣдующій день нацививъ Владыка село Милпошъ и Ганиговецъ. Вечером прибыв Преосвященный до Луцины, где о. дръ Гайдичъ и о. Александръ Седлакъ приключилися къ Преосвященному, ибо многи пришли сповѣдатися. Слѣдующій день велика товпа народа присутствовала на торжественной службѣ Божої. Дѣточки подъ веденіемъ о. декана Ройковича дуже краснѣ пѣснѣ отспѣвали! Велика

была радость, когда Преосв. дѣливъ благословеніе архіерейское духовнымъ дѣтямъ своимъ. Село, которое слѣдовало, было *Шотъ*. Уже на дорозѣ велика бандерія очековала Преосв. и такъ припровадили Его до церкви, гдѣ ихъ отецъ духовный А. *Шаламонъ* въ дуже красной бесѣдѣ предложивъ душевное состояніе добрыхъ вѣрниковъ своихъ. Откончився молебенъ и повечеріе великое. Одушевленіе могъ каждый видѣти на лицахъ шомскихъ вѣрниковъ, ибо всѣ сповѣдалися и всѣ духовно укрѣпились. *Собиновъ* такожде счастливый бывъ, ибо Преосвященный и тамъ пошовъ поблагословити любимый руській народъ. Молебенъ къ найсв. Сердцу откончився съ проповѣдью; послѣ того раздававъ Владыка образки. Истинно благодать Божа явилась въ тѣхъ селахъ, ибо облегченіе душевное получили всѣ вѣрники. Вѣрный руській народе, всегда держи тотъ радостнѣ дни передъ очами твоими! Будь всегда послушнымъ св. матери Церкви твоей, храни вѣру твою чисту и счастливъ будешь!

(*Руское Слово*).

— Святѣйший отецъ Пії XI. за греческѣ сироты. Святѣйший отецъ Пії XI. отримує коло 50.000 руськихъ дѣтей въ Россіи и Українѣ, помогає бѣднимъ емігрантамъ по цѣлой Европѣ, а коли Турки побили Грековъ, Папа зараз пославъ сестры милосердія, чтобы помагали бѣднымъ дѣтямъ греческимъ у Малої Азії, котри осталися безъ дома, безъ родичей и въ найстрашнѣшомъ убожествѣ. Коло 1000 греческихъ дѣтей отримує самъ Папа. Греки суть схизматиками. Але где росходується о нещастю, тамъ св. Церковь не дивиться, хто якоѣ вѣры. Межи дѣтьми всѣляки хвороты, особливо тифъ и многъ з нихъ умераютъ. Ужъ померли и декотрѣ сестры отъ тифуса але зараз знайшлися на тѣхъ мѣсце новѣ, котрѣ з любови до спасенія души ближнього не жалують и житѣ свое жертвовати за ближнього. Таки дѣла милосердія робить лишенъ Церковь Христова—Церковь каѳолическа.

— Посвященіе звоновъ въ Кла-

чановѣ. Ревнѣ вѣрники села Клачаново на славу Божу другого дня Великодня з великимъ торжествомъ посвятили три новѣ звони. На сіе свято появилися тысячи и тысячи изъ сусѣднихъ сел. Въ имени епископа посвященіе кончивъ о. А. Карцуб каноник. Слава и честь ревнымъ вѣрникамъ и ихъ працевитому душпаstryрю о. П. Шубѣ.

— Плоды новоѣ вѣры. Въ Горондахъ уже майже два роки проповѣдує „православну“ вѣру батюшка *Бѣляко*. Въ наслѣдокъ его душпаstryства меже богобойными вѣрниками глубоко закоренившись червенький большевизмъ; 1-го мая горондяне з великою червеною заставою появилися въ Мукачовѣ на обходѣ комунистовъ. У пару дній, коли екзекуторы пришли у села за якусь порцію, люде збунтовалися и выгнали жандаровъ изъ села и з ними виедно выкѣряли и нотара. Изъ збаламученыхъ людей жандары заарестовали 36 особ. Се есть плодомъ отступництва! Зпершу шизма, потомъ большевизмъ и безбожіе... Но най запамятаютъ и уряды: кто шизмує, той коммунизмъ буде жати!

— Въ Нѣмеччинѣ 6-го мая были парламентарнѣ выборы, на которыхъ христіянскѣ партії достали изъ всѣхъ 471 мандатовъ 93; на проочихъ мандатахъ дѣтилися 10 партій; комунисты достали лиш 62.

— 1-го мая было посвященіе нового великолѣпного храма Пр. Дѣви Марії въ Линцѣ. На торже-

ствѣ присутнѣ были три кардиналы и 67 епископов, межи ними *Преосв. Діонізій*, еп. Пряшевскій. Линцкій храм есть осмый по величости в ряду церквей цѣлого свѣта.

— **Патріарха московскій Тихон** в одной бесѣдѣ высоловився так, „что Ленин вигда не быв выключенный из „православной“ церкви, и что каждый „православный“ вѣрник може за него молитися, усопшій быв добрым христіанином. Се каже Тихон товариш. Айбо что ка-жуть totы милліоны вѣрников, и тисячи священников и епископов, которых сесь „добрый христіанин“ послѣ страшного мученя послав на другій свѣт!?

— **Сензаційное наверненіе.** Чрезвычайное дивованіе вызликало наверненіе до каѳ. церкви одного высокого достойника англиканскоѣ церкви *Ѳомы Гамбле-я* в Вашингтонѣ. Гамбле заявив, что он за много роков студовав вѣру каѳолицку и убѣдився, что она есть одинокою правдивою вѣрою. Протестантска вѣра все лѣпше и лѣпше отдаляется от Христа. С ним вїедно стали каѳоликами и его мати и сестра. Се есть ясным доказом того, что каѳолическа вѣра неотмѣнно притягне тых людей до себе, котрѣ добре и глубоко еѣ познаютъ.

— **Кардинал Мерсіер архієпископ Малинскій** (Белгія) в сих днях обходив 50 лѣтній ювилей своего священства; на славности присутствовав и белгіцкій царь и лично гратуловав ювілантови. Но и наших читательов интересує ювилей Мерсіер-а из тоѣ причины, что сей муж дуже много працював и пра-

цує для соединенія англиканскоѣ и гр. восточноѣ церкви с каоолич. (вселенскою). Он много листов достав и посылав патріархови Тихону в справѣ соединенія восточної церкви с каѳолическою, а интервеніовав у великих держав, коли патріарха арестовали большевики (комунисты).

— **Дух христіянскій в італіянских школах.** Новый школьный закон італійскій выразно предпише, что основою школьнога науки и выхованія мае быти вѣра христ. каѳолическая. Так в Италіи. А в Ческословенской республицѣ и науку религіи любили бы выгнати из народныхъ школ!

— **Из комунистичної Россіи.** В Петроградѣ (теперь уже Ленинград) всѣ церкви греко - восточных (схизматиков) перебрали комунисты и там служать т. зв. червенѣ попы. Добрѣ, побожнѣ, „православнѣ“ ходять — чтоб могли спокойно молити ся — до римо-католицких церквей.

— **Против Лайок.** В Голландіи на всѣх штаціях вылѣпленѣ суть великѣ плакаты, на которых стоитъ „Если вѣрите в Бога всемогущаго, честуйте Его, а не берѣть Его имя на даремно, без потребы и неважливо. А если не вѣрите в единаго всемогущаго Бога, тогда начто уживаете Его имя, сим себе высмѣете, а ближнього соблазните.“

— **Турки против креста.** Новое турецкое правительство заказало уживанье креста в христіянских школах; не се почали збунтовати ся люде, так то поліція заперла 38 школ.

— Зрост католиків в Англії. Англиканска вѣра в минувшом ро-ку мала 2.500,000 таких вѣрників, котрѣ приступили до „причащенія“ т. е. котрѣ явно признають ся англиканами-христіянами. Напротив сего число отвертых, вѣруючих католиків в Англії есть: 2.590,000.

— Танець в церкви. Оден протестанскій духовник в Америцѣ (New-York) зарядив перед олтаром танець дѣвчат в грецких убраних. Красное христіянство, что укаже на то як далеко доходять тоты вѣроисповѣданія, котрѣ одпали од христової-каѳолическої Церкви.

— Отзнаки заслуг около обороны вѣры достали од апостолскаго престола слѣдуючѣ ревнѣ каѳолики: Мих. Гелебан земледѣлець из Ко-пашиного (ж. Марм.), Иван Деяк, учитель, Терново (ж. Марм.), Иван Федак, земле-дѣлець, Вел. Лучки (ж. Берег.), Петро Бѣлятѣ, земледѣлець, Подплеша (ж. Марм.), Георгій Бенце, земледѣлець, Бѣлки (ж. Берег.) и Василій Мочкош, земледѣлець, Ракошин (ж. Берег.). Всѣм сим за свою родну вѣру многострадальным ге-роям из широго сердця же-

лаєме: *Многая лѣта.*

— Крутять — вертять жу-панаты, уряды, Цивильна спра-ва головно-служнѣ и нотари, коли защищати треба наши права и подержати законы Республики. Се явно из при-мѣра Керецкого. Перед Вели-кодньом раз лиш як гром прий-шла вѣсть, что жупан дозво-лив шизматикам на 5 дней хосновати церковь. Греко-ка-ѳолики зараз пошли до жу-пана и просили чтобы се вы-дав *письменно*, но се жупан не смѣв зробити. Тогда но-тар на телефонѣ позвѣдав цив. управу (губернію) в Ужгородъ, той то казали, что *если гр. каѳол. священик передастъ, та тогда могутъ шизматики хосновати церковь.* Правда, то не зробив ревный гр. каѳ. духовник и церковь зостала в власности гр. каѳолических вѣрників. Айбо якій то може быты жупан, котрый и сяк и так знае говорити?! Думаете панове, что мы се вам забу-деме и колись не возьмеме вас на рахунок?!

— Короткѣ вѣсти. Josef A. Kadlčak подпредсѣдатель се-ната, ревный борец христіянских идеалов, посол ч. лідової хр. партії 27-го апрѣля умер. — Пряшевскѣ гр. каѳ. духовники знов звернулися открытым листом до правительства, чтоб не дозволило террору и насильства схизматиков. — На великому конгрессѣ богословов каѳоликов в Велеградѣ обговорева буде и насильственна шизматицка агитація меже Подк. русинами. — Унив. профессор Др. Ян Седлак, священик, 9-го мая в Празѣ умер.

НА ФОНД „БЛАГОВѢСТИКА“ ДАРОВАЛИ:

о. Дан. Бачинскій, Дубровка 38 Кч.; о. Ал. Головач, Лалово 16 Кч.; Н. Н. 35 Кч.

ПЕРЕПИСКА РЕДАКЦІИ.

В увагу! Кто почтою засылае предплату, най зволить 50 геллерами больше заслати, бо премного выдатков маеме про то, что за кажду пе-ресылку 50 гел. треба поштаревы платити. Кто не заслав предплату, най

Рок 1924.

„БЛАГОВѢСТНИК“

Сторона 163.

спѣшить! Одна галицка газета почала виписовати имена тых, котрѣ за довшій час не платили ничего на газету. На жаль маеме и мы таких предплатников, котрѣ еще одного геллера не заслали.

о. Мирон П. За стать щирое благодареніе. Удалися и вѣрую, что хосновати будуть всѣмъ читателям Благовѣстника.

Просиме читательов, чтобы куповали у фирм оголошених в нашей газетѣ а при замовленях неотмѣнно откликалися на Благовѣстник!

СОДЕРЖАНИЕ.

МУСИМЕ ВЫДЕРЖАТИ! — ВЪРА: *Наука о вѣрѣ. Першъ люде в раю и их грѣхопаденіе.* — В ЗАЩИТЪ ВЪРЫ: *В одном Бояѣ... Попы людей обдираютъ? Там и у нас. Голос из Америки.* — ИЗ ИСТОРИИ ЦЕРКВИ. — БЕСѢДА. *Ловля рыб. Коли чоловѣк на ворожку слухає. Колосъ.* — АМЕРИЦКА ШИЗМ. ЦЕРКОВ ПЕРЕЙШЛА НА ПРОТЕСТАНТИЗМ. — МЕМОРАНДУМ. — ИЗ ШИЗМАТИЦКОГО РАЮ. — ВСЯЧИНА. — НОВОСТИ.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР
ЕМИЛІЯН БОНШАЙ.

Первое и единственное
дружественно подпрѣмство „СОЛ“

свѣчкарня и воскарня в Космоносах заложено и ведено духовенством и лицами, допоручує свої перворяднѣ выробы, церковнѣ свѣчки, каждого другу, восковѣ, половосковѣ, крашенѣ и луксусно здобенѣ, якож и столнѣ свѣчки всього другу, мыдло на праня и тоалетное, крим на обув, воск и крим на чищеня паркету. От духовенства купуєме пчолячій воск, отладки из свѣчок, или вымѣняеме за свѣчки. Всому превелебному духовенству, сл. патронатным урядам, господарским дружествам, и всѣм католицким сполкам до ласкавоѣ вѣдомости под геслом:

„СВОЙ К СВОЙОМУ!“


JOSEF NEŠKUDLA
NOVÝ HRADEC KRÁLOVE Čs. R.



Посылае скоро за половину цѣну: Ризы,
стихары и всѣ потребнѣ одежи для гр. каѳ.
литургіи, заставы, иконы од акад. худож-
ников, чаши, олтарнѣ свѣчники, л стры,
кресты, одежи и проч. найдешевше.

— Коло нових обѣданьях скоро задарьмо поправлю старѣ одежи. —

СУКНА А МОДНЪ МАТЕРІЯЛЫ,



панскѣ и дамскѣ униформонѣ, тепиҳы, церковнѣ сукна, готовѣ реверенды, стихары и одежи лодась Вам найдунте по мустрѣ, которы вошлиюся на жаданя.

Выроб сукон **HEZINA A SPOL** Нимполес
Новѣреный лиферант Церковного Товариства про Реп. Чсл.


БОЖЪ ГРОБЫ, СТАТУЪ

ВЫРОВЛЯЕ ИСКУСТНОЕ ВОДПРИЕМСТВО

ŘEHNA A CHARVÁT

:- КУТНА НОРА 515. ЧЕСЧУ. :-

КОГУТ и ГОРЕЙ
УЖГОРОД, РАКОЦІЯ ул. ч. 11.




Много признань, похвальных листов и подяк. За належите выполнение и милый звук звонов повна запорука.

„СВОЙ ДО СВОГО“.

„СВОЙ ДО СВОГО“.

ЦЕРКОВНЪ ПРЕДМЕТЫ

як: кресты, свѣчники,
образы до ношения
и т. д.



ВЛАДИМИР КОГУТ
УЖГОРОД, РАКОЦІЯ ч. 11.

Принимае до золоченя нашъ и
обновляе всякѣ ишѣ церковнѣ
предметы. Купуйте за тунѣ грошъ
лем у рускоѣ фирмы.

В КНИГОПЕЧАТНЯ „УНІО“

МОЖ ПОЛУЧИТИ СЛЪДУЮЧЪ КНИГИ:

	Кч.
1. Азбука Волошина ...	7.—
2. Читанка „Іл. кл.	6·50
3. Аритметика Волошина I—II. кл. 2 кор., III. кл. 2 кор. IV. кл.	2·60
4. Методическая граматика Волошина	5.—
5. Географія М. Григашія по рускии и по мадярски	5.—
6. Малый катихизм ...	1·20
7. Средный „ ...	3.—
8. Великий „ ...	5.—
9. Мала біблія	3.—
10. Середна біблія	10.—
11. Наша правда в вѣрѣ от д-ра Ю. Гаджеги ...	2.—
12. Прочто праздновати недѣлю а не субботу от д-ра Ю. Гаджеги	3.—
13. Библейские вопросы с точки зрењія восточных церквей	3.—
14. Вѣнец, стихотв. Павловича	18·60
15. Великий Зборник }	... 40.—
16. Середний „ } и с латиникою	... 24.—
17. Малый „ }	... 15.—
18. Ангел Господен }	... 6.—
19. Марія Повчанскій Паломник	16.—
20. Пѣсемник, от директора промысловыхъ школ Ф. И. Шпалы	12.—
21. Рисованіе для дѣтей с русскимъ текстом ...	6.—
22. Рисованіе для дѣтей съ чешскимъ текстом ...	4.—
23. Рисованіе геометричное	15.—
24. Ручна праця в школѣ с чешскимъ или мадярскимъ текстом	16·50

В том состоянїи есме, что всѣмъ заказующимъ черезъ 48 годин можемъ почтовно провадити.

СВЯЩЕНИКАМЪ!

ПАМЯТНЪ ОБРАЗЧИКИ

для дѣтей къ первому

св. причащенію приступающихъ

Осипомъ Бокшай нашимъ художникомъ мальованъ и въ 8 фарбахъ
репродукованъ въ 30 24 см. великости, съ рускимъ подписомъ выдало
КНИГОПЕЧАТНЯ АКЦ. ТОВ. „УНІО“ ВЪ УЖГОРОДЪ.


Цѣна куса нетто: 1 Кч. порто 10 гл.

” отъ 31—50 кусовъ по 1 Кч. франко

” ” 51—высше по 90 гл. и франко.

Цѣну найлучше напередъ заслати.

ZVONARSTVÍ



ОКТАВ WINTER Brno u moh ČSR.

Книгопечатня Акційного Товариства „Уніо“ в Ужгородѣ.